



MICHELSEN
ÚRSMÍÐIR SÍÐAN 1909

Laugavegur 15 - 101 Reykjavík
511 1900 - www.sviss.is

tudorwatch.com

GRANTOUR CHRONO FLY-BACK



TUDOR
WATCH YOUR STYLE

MARKAÐURINN

Sögurnar... tölurnar... fólkíð...

...við prentum!
GUDJÓNÓ
VISTVÆN PRENTSMÍÐJA
Sími 511 1234 - www.gudjono.is

Miðvikudagur 28. september 2011 – 14. tölublað – 7. árgangur

Veffang: visir.is – Sími: 512 5000 **visir**



Önnur niðursveifla í aðsigi?
Áhyggjur á ársfundi AGS

4-5

Nýsköpunarfyrirtækið
ReMake Electric
Beta eftirlit
sparar raforku



Í símanum með Jóni Aðalsteini
Vinnutölvun í símann

7



PÁLL Landsvirkjun ætti að fjármagna framtíðarsýn sína næstu árin með skráningu að hluta á markað, segir forstjóri Kauphallarinnar. FRÉTTABLAÐIÐ/ANTON

Landsvirkjun ekki á markað

„Ef menn eru að láta sér detta í hug einhverja einkavæðingu á Landsvirkjun þá er það ekki uppi á borðinu,“ segir Steingrímur J. Sigfússon fjármálaráðherra. Hann bendir á að fyrir liggi skýr samþykkt ríkisstjórnarinnar um að hrófla ekki við opinberu eignarhaldi á þeim fyrirtækjum sem ríkið er með í sínum höndum.

Páll Hardarson, forstjóri Kauphallarinnar, sagði í erindi á hádegisfyrirlestraröð Stjórn mála-skóla Sjálfstæðisflokksins í Valhöll í gær, Landsvirkjun verða að fara á hlutabréfmarkað að hluta ætli fyrirtækinu að takast að fjármagna framtíðarsýn sína. Páll vísaði til þess að þrjátíu prósent hlutur í ríkisólufélaginu Statoil var skráður að hluta á hlutabréfmarkað í Ósló fyrir áratug. Ríkið á enn sjötíu prósent í Statoil.

Steingrímur bendir á að ríkið hafi staðið þétt við bakið á Landsvirkjun í gegnum árin sem þolinmóður eigandi. Ekki standi til að breyta því. - jnb

HELST Í ÚTLÖNDUM

DANIR VILJA EKKI EVRU
Helmingur Dana vill ekki að evran komi í stað dönsku krónunnar, samkvæmt nýrri skoðanakönnun, en 22,5 prósent myndu vilja evruna. Aldrei áður hefur mælst jafn mikil andstaða í Danmörku við evruna, enda skoðanakönnunin gerð í miðju skuldafári evruríkjanna. Gengi dönsku krónunnar hefur verið beintengt evrunni allt frá því evran hóf göngu sína, og þar áður þýska markinu.



BJARGAÐ Á SÍÐUSTU STUNDU
Andstæðar fylkingar á Bandaríkjaþingi náðu á mánudagskvöld samkomulagi um fjármögnun ríkissjóðs landsins næstu sex vikurnar. Þar með tókst á síðustu stundu að koma í veg fyrir lokun ríkissjóðs, sem hefði haft afdrifaríkar afleiðingar.

ÖRLAR Á BJARTSÝNI
Markaðir hafa heldur tekið við sér eftir að óljósar fréttir bárust af væntanlegum framhaldsaðgerðum Evrópusambandsins, Alþjóðagjaldeyrissjóðsins og G20-ríkjahópsins til bjargar bæði Grikklandi og evrunni. Fyrri bjartsnísköst undanfarið hafa þó fjarað hratt út.

Ætlar að passa upp á hagsmuni Íslands

Fjögur til sex erlend fyrirtæki bera víurnar í starfsemi Icelandic Group í Bandaríkjunum. Tryggja á markaðsaðgang með fisk.

Jón Aðalsteinn Bergsveinsson
skrifar

„Við vitum ekki á þessari stundu nákvæmlega hvaða fyrirtæki munu bjóða í rekstur Icelandic Group í Bandaríkjunum. Við vitum það á morgun [í dag],“ segir Finnbogi Jónsson, framkvæmdastjóri Framtakssjóðsins. Lokafrestur til að skila inn tilboðum rann út á miðnætti að bandarískum tíma, það er klukkan fjögur liðna nótt.

Söluferlið á starfsemi Icelandic Group í Bandaríkjunum og tengdri starfsemi í Kína hófst í júlí. Bandaríski bankinn Bank of America Merrill Lynch sér um söluna. Þegar henni lýkur verður búið að selja nánast allar erlendar eignir Icelandic Group.

Fréttablaðið hefur heimildir fyrir því að sex erlend stórfyrirtæki hafi haft hug á að leggja fram tilboð í starfsemi Icelandic Group vestra. Tvö hafi líklega helst úr lestinni á síðustu metrunum. Þau fyrirtæki sem sýndu starfseminni áhuga eru kínverska sjávarútvegssamstæðan Pacific Andes, sem keypti starfsemi Icelandic Group í Frakklandi og Þýskalandi í júní eftir að slitnaði upp úr viðræðum við norræna sjóðinn Triton. Kanadíska fiskisöluvirkækið High Liner Foods er sömuleiðis í kapphlaupinu um reksturinn. Fyrirtækið bauð í byrjun árs 340 milljónir evra, jafnvirði 52,4 milljarða milljarða króna í allar eignir Icelandic Group utan Íslands. Tilboðinu var ekki tekið.

Í gögnum sem Fréttablaðið hefur undir höndum frá einum bjóðenda eru viðraðar áhyggjur af því að í kjöl-



FISKIFINGUR Á FÆRIBANDI Starfsemi Icelandic Group erlendis er umsvifamikil. Fyrirtækið seldi frá sér reksturinn í Frakklandi og Þýskalandi í sumar og vinnur nú að því að losna við annan erlenda rekstur.

far sölunnar lokist dyrnar fyrir íslenskan fisk ytra. Finnbogi segir forsvarsmenn Framtakssjóðsins hafa skoðað málin ítarlega með það fyrir augum að tryggja markaðsaðgang fyrir íslenskan fisk í Bandaríkjunum undir vörumerkinu Icelandic. „Íslenskur fiskur er mjög eftirsóttur og það eru sem betur fer engin teikn á lofti um að það breytist. Þótt sala á íslenskum fiski til Bandaríkjaþinga hafi minnkað mikið á undanförunum árum verða Bandaríkin áfram mikilvægur markaður fyrir íslenskar fiskafurðir. Icelandic Group mun í samningum við væntanlegan kaupanda leggja mikla áherslu á að íslenskur fiskur hafi greiðan aðgang að þeim dreifileiðum sem Icelandic í Bandaríkjunum ræður yfir,“ segir hann.





Góð þjónusta og nýjungar. Það er rétta blanda.

Aðalheiður Héðinsdóttir, forstjóri Kaffitárs

Hver einasti viðskiptavinur okkar er einstakur og þarfirnar geta verið ólíkar. Með þetta að leiðarljósi höfum við þróað lausnir – sniðnar að þinni atvinnugrein. Hafðu samband og í sameiningu finnum við greiðslulausn sem hentar þínum rekstri.

Fyrirtækjalausnir Valitor | sími 525 2080 | www.valitor.is | fyrirt@valitor.is

Greiðslulausnir sniðnar að þinni atvinnugrein.

- Þjónusta
- Veitingahús
- Heildsölur
- Íþrótt- og félagasamtök
- Verslun
- Ferðaþjónusta
- Ríki- og sveitarfélög

VALITOR
Lausnir án landmæra

Klúður hjá Kodak

Gengi hlutabréfanna hefur aldrei verið lægra

Gengi hlutabréfa í bandaríska ljósmyndavörfyrirtækinu Kodak hrundi um næstum einn fjórða á mánudag eftir að stjórnendur nýttu sér í fyrsta sinn ádráttarlán fyrirtækisins. Ádráttarlán er eins konar yfirdráttarheimild fyrir fyrirtæki. Fjárfestar hafa áhyggjur af fjárhagsstöðu fyrirtækisins.

Kodak var framarlega í þróun og framleiðslu á filmum og á fjölda einkaleyfi í stafrænni ljósmyndatækni. Fyrirtækið missti



MYNDAVÉLUM STILLT UPP Gengi hlutabréfa í Kodak skrapar nú botninn, fjárfestum til lítillar gleði. FRÉTTABLAÐIÐ/AFP

hins vegar af stafrænu byltingunni og hefur barist í bökkum við að komast á réttan kjöl. - job

Fjármögnun Bjarkar ekki lokið

Ekki hefur verið lokið við fjármögnun á fagfjárfestastjóðnum Björk. Hann hefur því ekki fjárfest í neinu fyrirtæki fram til þessa.

Baldur Már Helgason sjóðsstjóri gerir ráð fyrir að ljúka fjármögnun innan nokkurra vikna og verði þá um einn og hálfur milljarður króna í sjóðnum. Það er ívið lægri upphæð en stefnt var að í upphafi. Í kjölfarið verður fjárfest í fyrsta sinn, hugsanlega fyrir áramót.

Bjarkarsjóðurinn var stofnaður af Auði Capital og tónlistarkonunni Björk Guðmundsdóttur skömmu fyrir jólin 2008 en félagið eiga þau til helminga. Væntingar voru um að sjóðurinn myndi fjárfesta í fimmtán til tuttugu sprotafyrirtækjum sem byggja á auðindum landsins og með mikla

vaxtarmöguleika á þremur árum fyrir samtals tvo til 2,5 milljarða króna. Einkum hefur verið horft til fyrirtækja á sviði endurnýjanlegrar orku, sjávar og vatnsauðlinda.

Auður Capital lagði sjóðnum til hundrað milljóna króna hlutfjárloforð og hefur síðan leitað jafnt til áhugasamra einstaklinga og fagfjárfesta og lífeyrisjóða eftir innleggi í sjóðinn.



BJÖRK GUÐMUNDSDÓTTIR - job

BANKABÓKIN

Samantölur á vaxtatölum bankanna	Hæstu innlánsvextir	Yfirdráttarvextir eru hæstir	Yfirdráttarlán fyrirtækja
Arion banki	Markaðsreikningur 1,50% ^a	11,50%	11,45%
Íslandsbanki	Vaxtabrep 2,05%	11,35%	11,35%
Landsbankinn	Vaxtareikningur 1,35% ^b	11,30%	11,30%
MP BANKI	MP Sparnaður 1,95%	11,15%	9,65 til 11,15%
BYR	PM-reikningur 2,05% ^a	11,30%	11,5 til 11,3%
SPARISJÓÐURINN	Netreikningur 1,90% ^c	11,45%	11,45%
Spari	Sparnaðarreikningur 2,00%	10,35%	Ekki í boði.

*Miðað er við 250.000 króna innlegg og sem skemmsta bindingu. ^aBundinn í tíu daga. ^bBundinn í sjö daga. ^cÚttektargjald hjá gjaldkera 0,25%
Athugið að ekki er tekið tillit til árgjalds, sem getur fylgt yfirdráttarreikningum.

Magnús Ármann með stóran hlut í Eyjunni

Hluthöfum Vefpressunnar fjölgaði úr fjórum í ellefu í fyrra. VÍS lækkaði hlutfjáreign sína úr 33 prósentum í átján.

Jón Aðalsteinn Bergsveinsson
skrifar

Fjárfestarnir Magnús Ármann og Jón Scheving Thorsteinsson eru á meðal nýrra hluthafa í Vefpressunni, eiganda vefmiðlanna Pressan, Eyjan, Menn.is, Bleikt.is og tveggja netverslana en í annarri er verslað með hjálpartæki ástarlísins. Tvö félög þeirra áttu samtals rúman 24 prósent hlut í fyrirtækinu um síðustu áramót samkvæmt nýbirtum ársreikningi.

Hlutfé Vefpressunnar var aukið um 78 milljónir króna í fyrra, bæði með sölu hlutfjár og loforðum um hlutfjárframlag. Samkvæmt uppgjöri Vefpressunnar sem birt var í síðustu viku kemur fram að hluthöfum hafi verið fjölgað úr fjórum í ellefu.

Vefpressan var stofnuð árið 2009. Upphaflega voru hluthafar fjórir. Tryggingafélagið VÍS átti 33 prósent hlut á móti Birni Inga Hrafnssyni, fyrrum borgarfulltrúa Framsóknarflokksins, Salt Investments, fjárfestingarfélagi Róberts Wessman, fyrrverandi forstjóra Actavis, og Arnari Ægissyni, framkvæmdastjóra Vefpressunnar.

Hlutfé upphaflegra eigenda þynntist út við hlutfjárakninguna. VÍS á samkvæmt því átján prósent hlut í Vefpressunni og Björn Ingi á rúm átján prósent í stað rúmra 26 prósent. Jón Scheving er skráður fyrir fjórtán prósentum í nafni JST Holding. Magnús Ármann á rúm tíu prósent í nafni Imons. Fimm hluthafar áttu minna en tíu prósent hlut hver í félaginu og eru ekki upplýsingar um þá í uppgjöri Vefpressunnar.

BJÖRN OG MAGNÚS Hlutfé Vefpressunnar var aukið um 78 milljónir króna í fyrra.

NOKKUR ATRIÐI UM VEFPRESSUNA

- Vefpressan tapaði 8,7 milljónum króna í fyrra. Þetta er talsverður bati á milli ára samanborið við rúmlega þrjátíu milljóna króna tap árið 2009.
- Fastafjármunir Vefpressunnar jukust verulega í fyrra, fóru úr 8,5 milljónum króna árið 2009 í 53 milljónir. Mestu munar um óefnislegar eignir, oft nefnt viðskiptavild, sem fór úr engu í tuttugu milljónir króna og eignarhluti í félagum sem fóru sömuleiðis úr engu í 25 milljónir. Viðskiptavildin er eignarfærð í ársreikningnum.

Loksins opnað fyrir greiðslufallstryggingar

„Við höfum unnið að því markvisst að upplýsa erlenda aðila um stöðu íslenskra fyrirtækja og það hefur skilað þessum jákvæða árangri,“ segir Finnur Oddsson, framkvæmdastjóri Viðskiptaráðs.

Atradius, annað af tveimur stærstu erlendu greiðslu-tryggingafélögum heims, hefur opnað fyrir greiðslufallstryggingar á íslensk fyrirtæki. Viðskipti sem þessi hafa verið í frosti síðan í efna-hagshruninu fyrir þremur árum þegar tryggingafélagin hættu að gangast í ábyrgðir fyrir greiðslur frá íslenskum fyrirtækjum. Það olli

inn- og útflytjendum vandræðum og neyddust mörg þeirra til að greiða vörusendingar fyrirfram eða útvega aðrar og kostnaðarsamar greiðslu-tryggingar.

Viðskiptaráð, Creditinfo, íslenskir banka og tryggingafélög hafa frá haustinu 2008 unnið að því að koma aftur á eðlilegu fyrirkomulagi greiðslufallstrygginga. „Við höfum lagt ríka áherslu á að íslensk fyrirtæki standi reglulega skil á ársreikningum og það er jákvætt hversu mikil bragarbót hefur verið gerð í þeim málum á síðustu misserum. Breytt afstaða Atradius er fagnadarefni,“ segir Finnur. - job



FINNUR ODDSSON



SAGA CLASS

Úrvalspægindi, gott rými og fyrsta flokks þjónusta.

ER ÞITT FYRIRTÆKI MEÐ SAMNING?

Fyrirtæki sem eru með samning við Icelandair njóta þess í hagkvæmari rekstri, betri tímanýtingu og ánægðara starfsfólki.

Hlunnindi sem fyrirtækjasamningur veitir:

- Sérstakur ferðaráðgjafi hefur umsjón með hverju fyrirtæki.
- Neyðarnúmer sem er opið allan sólarhringinn – alla daga ársins.
- Afsláttur sem býðst af fargjöldum til áfangastaða Icelandair.
- Nákvæmt viðskiptayfirlit á vefnum.

+ Allar nánari upplýsingar á www.icelandair.is/fyrirtaeki eða sendið fyrirspurnir á fyrirtaeki@icelandair.is

ICELANDAIR



ÍSLENSKA STÁLSÍÐI 56465 0911

„Að bankinn minn veiti þjónustu sem auðveldar mér að skapa verðmæti.“

Hjalti Ástbjartsson
Nastar

Faktoring – Ný þjónusta

Breytum lánsviðskiptum í staðgreiðslu

Það skiptir máli að skapa verðmæti. Arion banki býður nýja þjónustu, Faktoring, sem auðveldar þér fjármögnun fyrirtækisins og sköpun verðmæta.

- ✦ Útistandandi kröfur verða handbært fé
- ✦ Betra flæði lausafjár
- ✦ Fjármögnun í samræmi við vöxt þíns fyrirtækis
- ✦ Aðstoð við innheimtu krafna

Hafðu samband við sérfræðinga Faktoring hjá Arion banka, eða kynntu þér málið nánar á arionbanki.is/fyrirtaeki. Saman getum við látið hjólin snúast.

Hvað skiptir þig máli?



Ný niðursveifla í aðsigi á Vesturlöndum?

Í skugga titrings á helstu mörkuðum fór um síðustu helgi fram ársfundur AGS og Alþjóðabankans. Þar voru saman komnir leiðtogar í efnahagsmálum alls staðar að úr heiminum sem ræddu stöðu heimshagkerfisins. *Magnús Þorlákur Lúðvíksson* sótti fundinn og fjallar hér um viðhorf fundarmanna.

Áhyggjur af stöðu heimshagkerfisins hafa stig-magnast síðustu vikur og mánuði. Hagtölur hafa leitt í ljós að hægst hefur merkjanlega á efnahagsbatanum á Vesturlöndum og mikill órói hefur einkennt helstu markaði. Óttast því margir að tvíbytna niðursveifla (eða „double dip recession“) sé í uppsiglingu meðal iðnríkja.

Andrúmsloftið á ársfundi Alþjóðagjaldeyrissjóðsins (AGS) og Alþjóðabankans um helgina bar þess glögglega merki að óveðurský hafa hrannast upp yfir hagkerfi Vesturlanda. Á ársfundinum voru saman komnir fjármálaráðherrar og seðlabankastjórar margra af 187 aðildarríkjum sjóðsins ásamt fjölda fræðimanna, blaðamanna og annarra gesta. Utan formlegra funda var á dagskrá á ársfundinum fjöldi fyrirlestra og pallborðsumræðna en meðal þátttakenda má nefna Nóbelsverðlaunahafana í hagfræði; Joseph Stiglitz og George Soros og Mohammed El-Erian, framkvæmdastjóra PIMCO, stærsta fjárfestingasjóðs heims.

El-Erian lýsti raunar tilfinningum margra á fundinum í pallborðsumræðum um stöðu heimshagkerfisins þegar hann sagði: „Ég er einhvers staðar milli þess

að vera áhyggjufullur og hræddur. Það eru þrjár krísur til staðar; hagvaxtar- og atvinnuleysiskrísar, skuldakrísar meðal þjóðríkja og bankakrísar.“

AGS ÁHYGGJUFULLUR

AGS gaf fyrir fundinn út skýrsluna World Economic Outlook um stöðuna í heimshagkerfinu. Þar segir að hættulegt nýtt skeið sé runnið upp innan heimshagkerfisins þar sem efnahagsbati iðnríkja sé í hættu. Spár stofnunarinnar um hagvöxt bera þess merki en þær voru endurskoðaðar talsvert niður á við. Nú er því spáð að hagkerfi iðnríkja vaxi einungis um 1,6 prósent á þessu ári og 1,9 prósent á því næsta. Það er almennt ekki talinn nægilegur vöxtur til að atvinnuleysi minnki. Áður hafði sjóðurinn spáð 2,2 prósent vexti á þessu ári og 2,6 prósent vexti á því næsta. Spár sjóðsins um vöxt í nýmarkaðsríkjum voru einnig endurskoðaðar og færðar niður á við þótt myndin þar sé allt önnur og bjartari. Því er spáð að hagkerfi nýmarkaðsríkja muni vaxa um 6,4 prósent á þessu ári og 6,1 prósent á því næsta.

Versnandi horfur eru helst raktar til aukinnar óvissu um skuldastöðu þjóðríkja og stöðugleika fjármálakerfisins. Þá hafa veik viðbrögð stjórnvalda á evrusvæðinu við skuldakreppunni

á svæðinu og pólitískt þræfli í Bandaríkjunum dregið úr trausti á getu vestrænna stjórnvalda.

Í skýrslu AGS segir að neikvæð áhætta sé mikil. Fari allt á versta veg geti heimshagkerfið sogast inn í spirál aukinnar óvissu og áhættufælni, frosinna fjármálmarkaða, ósjálfbærrar skuldastöðu þjóðríkja, minnkandi eftirspurnar og hækkandi atvinnuleysis. Vægari og jafnframt líklegri útkomur gætu einnig leitt til langs tímabils lítills hagvaxtar.

„Það er efnahagsbati en hann er veikur og ójafn. Áhætta hefur aukist vegna endurgjafar lítills hagvaxtar og erfiðrar skuldastöðu þjóðríkja, banka og heimila. Þar að auki hefur skort pólitíska forystu í baráttunni við fjármálakreppuna. Þetta hefur leitt til traustskrisu sem veldur efnahagslegum jafnt sem félagslegum skaða,“ sagði Christine Lagarde, framkvæmdastjóri AGS, á ársfundi sjóðsins. Lagarde sagði enn vera til staðar leið út úr alþjóðlegu fjármálakreppunni en bætti við að leiðin væri þregri en áður. Þá kallaði Lagarde eftir kröftugum viðbrögðum frá stjórnvöldum um allan heim til að tryggja hraustlegan og sjálfbæran efnahagsbata.

ÞÖRF Á AÐGERÐUM ÁN TAFAR

Meðal gesta á ársfundi AGS virtist

ein hugur um að grípa þyrfti til tafarlausra aðgerða til bjargar efnahagsbatanum á Vesturlöndum. Í pallborðsumræðum um vandræði evrusvæðisins sagði George Soros skuldakreppuna á svæðinu vera alvarlegri en fjármálakreppan árið 2008. Hann sagði að árið 2008 hefðu stjórnvöld getað gripið inn í eftir að kreppan skall á en að því væri ekki að skipta núna. „Ég vona innilega að leiðtogar ríkja Evrópusambandsins átti sig á þessu sem fyrst og gripi til aðgerða til að hemja krísuna,“ sagði Soros.

AGS lagði á fundinum fram áætlun um aðgerðir sem stjórnvöld víða um heim geta gripið til. Við bráðavandanum leggur stofnunin áherslu á þrjá þætti. Í fyrsta lagi þykir mikilvægt að þau þjóðríki sem glíma við háar skuldir og fjárlagahalla leggi fram trúverðugar áætlanir um hvernig koma megi ríkisfjármálum þeirra á sjálfbæra braut án þess þó að kippa fótunum undan efnahagsbatanum. Niðurskurður ríkisútgjalda og skattahækkningar draga til skamms tíma úr eftirspurn. Því geta aðhaldsaðgerðir í ríkisfjármálum hægt merkjanlega á vexti sé gengið of hratt til verks. AGS hefur því lagt áherslu á trúverðugar áætlanir sem stuðla að vexti til skamms tíma en aðhaldi

til langs tíma. Oliver Blanchard, aðalhogfræðingur AGS, lýsti þessari nálgun kjarntyr á blaðamannafundi í síðustu viku: „Aðhaldsaðgerðir mega ekki eiga sér stað of hratt því þá drepa þær hagvöxt. En þær mega heldur ekki eiga sér stað of hægt því þá drepa þær trúverðugleika stjórnvalda.“

Í öðru lagi beinast áhyggjur AGS að stöðu banka og fjármála-stofnanna, helst evrópskra, sem margar hverjar eru berskjaldaðar gagnvart mögulegu greiðslufalli Grikklands og titringi sem það gæti valdið. AGS leggur því áherslu á að raunveruleg eiginfjárförf banka á Vesturlöndum verði metin og nauðsynlegt eigið fé þeirra tryggt. Helst með fjár-

TIL LEIGU GLÆSILEGT SKRIFSTOFUHÚSNÆÐI



Í HÚSI VERSLUNARINNAR, KRINGLUNNI 7, RVK.




Höfum til leigu stórglæsilegt 257,3 m² skrifstofuhúsnæði á 6. hæð í Húsi verslunarinnar. Húsnæðið skiptist í stórt fundarherbergi með glervegg, opið rými og góða skrifstofu. Einnig er sér tæknirými með kælingu og geymsla. Hæðin er nýuppgerð með olíubornu eikar plankaparketi á gólfum, kerfisloft með innfelldri lýsingu og góðri loftræstingu sem hægt er að stilla sérstaklega fyrir hvert rými. Einnig hafa allar rafmangs og tölvulagnir verið endurnýjaðar. Hæðin er mjög rúmgóð og björt og allar innréttingar vandaðar. Með hæðinni geta fylgt 3 sérmerkt bílastæði í lokuðum bílakjallara. Aðkoma að húsinu er mjög góð og eru næg bílastæði fyrir hendi. Húsið er staðsett miðsvæðis í höfuðborginni og er stutt í alla helstu þjónustu.

Upplýsingar veitir **Ingi Sturluson** í síma **899-8451** eða **ingi@alrus.is**

Hagvaxtarspá AGS fyrir árið 2011



ROBERT ZOELLICK



„Heimurinn er á hættusvæði. Árið 2008 sögðu margir að þeir hefðu ekki séð óróann fyrir. Nú hafa leiðtogar ekki þá afsökun. Hættulegir tímar kalla á hugrækt fólk,“ sagði Robert Zoellick, forstjóri Alþjóðabankans, á blaðamannafundi í síðustu viku.

CHRISTINE LAGARDE



„Rétt eins og þegar alþjóðlega fjármálakrísan skall á fyrir þremur árum stöndum við nú frammi fyrir vali. Þá sameinaðist alþjóðasamfélagið og brást við skynsamlega og kröftulega. Við komum í veg fyrir kreppu af sömu stærðargráðu og kreppan mikla. Nú verðum við að bregðast skynsamlega við aftur,“ sagði Christine Lagarde, framkvæmdastjóri AGS, við setningu ársfundar sjóðsins í síðustu viku.



ÁHYGGJUFULLIR LEIÐTOGAR Yfirlýsingar pólitískra leiðtoga á ársfundi AGS um aðgerðir til að stemma stigu við annarri niðursveiflu á Vesturlöndum virtust valda mörkuðum vonbrigðum, þá sérstaklega loðin yfirlýsing frá G20, hópi tuttugu stærstu hagkerfa heims, sem þó hét því að gera það sem til þyrfti til að koma í veg fyrir nýja kreppu. NORDICPHOTOS/AFP

magni frá einkaaðilum en takist það ekki, þá með opinberu fjármagni.

Í þriðja og síðasta lagi mælir AGS með því að til lengri tíma vinni stjórnvöld í flestum ríkja Vesturlanda að því að auka sparnað heima fyrir á kostnað neyslu. Hin hliðin á þeim peningi er að nýmarkaðsríki á borð við Kína leggi áherslu á að auka neyslu heima fyrir og minnka sparnað. Er ójafnvægið milli sparsamra nýmarkaðsríkja og eyðslusamra iðnríkja talin ein af orsökum vandræðanna sem iðnríkin glíma nú við.

Fyrri aðgerðirnar tvær miða að því að tryggja að þjóðríki, fyrirtæki og heimili dragi ekki öll á sama tíma úr eftirspurn sinni eftir vörum og þjónustu sem drægi verulega úr þrótti þeirra hagkerfa sem um ræddi. Sú síðasta miðar hins vegar að því að auka heilbrigði heimshagkerfisins til lengri tíma.

Sé stöðumat AGS rétt er ljóst að ærin verkefni bíða stjórnvalda víða um heim. Það er vonandi að hingað til hikandi stjórnmalámönnum takist að inna þau af hendi. Annars gætu verið erfið ár framundan á Vesturlöndum.

FRÉTTIR VÍÐSKIPTI ÍÞRÓTTIR LÍFID UMFRÆÐAN

MÁ BJÓÐA YKKUR MEIRI VÍSI?

vísir

KPMG
cutting through complexity

FRÓÐLEIKUR Á FIMMTUDÖGUM

Skattkerfi Möltu og einstaklingar á faraldsfæti

29. september | kl. 8:30 | Borgartúni 27

André Zarb og John Sullivan frá KPMG á Möltu fjalla almennt um skattkerfi Möltu og skattumhverfi eignarhaldsfélaga, aðfluttra einstaklinga og sjóða.

Ágúst Karl Guðmundsson lögmaður hjá KPMG fjallar um hvenær Ísland má skattleggja einstaklinga á ferð og flugi.

Skráning og nánari upplýsingar á kpmg.is



GAMLA MYNDIN



Sauna-kassi og annars konar heilsurækt

Íslendingar voru afar fljótir að tileinka sér alls kyns nýjungar í heilsuræktarmálum.

Hreyfing og hvers konar líkams- og heilsurækt er flestum landsmönnum ofarlega í huga og jafnan er fjölmennt í tækjasölum líkamsræktarstöðva um allt land.

Heilsuræktarstöðin á sér langa sögu og hefur tekið á sig ýmsar myndir í gegnum tíðina.

Í viðtali við Vísi um miðjan áttunda áratuginn sagði eigandi Heilsulindarinnar, þar sem meðfylgjandi mynd var tekin, að aðsóknin væri góð og fólk á flestum aldurskeiðum kæmi þangað til að hressa sig við. Margir af

gestunum væru þó útí vinnandi. „Til dæmis þeir sem skrifa og svo konur sem hafa þrjónað of mikið og hafa þreyst,“ sagði eigandinn.


Fjölbreytt þjónusta var í boði í Heilsulindinni, sem og öðrum heilsuræktum í borginni.

Á myndinni má sjá einn ánægðan viðskiptavin sitja í sauna-kassanum og lesa blað á meðan.

Einnig mátti þar leggja á sjálfvirkan nuddbekk, fara í ljósaböð og síðast en ekki síst taka einn umgang á grenningarbeltinu frá.

- þj

FYRIRTÆKIÐ



ÁHRIFARÍK NÝJUNG Hilmir Ingi Jónsson, framkvæmdastjóri íslenska nýsköpunarfyrirtækisins ReMake Electric, með eftirlitsbúnaðinn sem hefur vakið mikla lukku.

FRÉTTABLAÐIÐ/STEFÁN

Vinnutölvun kölluð upp í símann

Í SÍMANUM MEÐ JONI ADALSTEINI



Það getur komið sér vel að geta tengst vinnutölvunni heima í stofu. Til þessa hefur fartölva og VPN-tenging verið sú leið sem liggur beinast við þegar sú aðstæða kemur upp. Eins og margir kannast eflaust við getur slíkt pirrað betri helm-inginn.

Með tiltölulega nýlegri sýndarlausn frá bandaríska tæknifyrirtækinu VMware er hægt að ganga enn lengra og tengjast vinnuumhverfinu með bæði farsíma og spjaldtölvu óháð því hvar í heiminum viðkomandi er staddur. Þetta getur að sjálfsgöðu komið sér vel fyrir margar starfsstettir, svo sem lækna og kennara sem þurfa að fara á milli stofa en þurfa að nálgast upplýsingar úr vinnutölvum sínum.

Engu skiptir hvaða stýrikerfi er keyrt á farsímanum eða spjaldtölvunni, vinnuumhverfið, sem vistað er miðlægt á netþjóni, er hægt að kalla fram með mjög einföldum hætti svo lengi sem nettenging er til staðar.

Reyndar má komast hjá nettengingunni þegar sinna þarf vinnu í flugi. Þegar svo stendur á er mögulegt að afrita vinnuumhverfið yfir á ferðatölvu, vinna á hana á meðan flugi stendur og senda breytingarnar sjálfvirkt aftur til miðlægs netþjóns eftir landingu þegar til áfanga staðar er komið.

Nokkrir þættir þurfa að vera fyrir hendi til að tengjast tölvum með þessum hætti. Í fyrsta lagi þarf fyrirtækið sem viðkomandi starfar hjá að hafa komið sér upp miðlægu vinnuumhverfi. Í öðru lagi þarf að nálgast forrit í netverslun fyrir snjallsíma, spjaldtölvu og þau stýrikerfi sem þau keyra á (e. app) og setja það upp.

Guðmundur Arnar Þórðarson, lausnaráðgjafi hjá Nýherja, segir sýndarlausn sem þessa geta aukið verulega hagræði fyrir alla, hvort heldur er

fyrir starfsmenn fyrirtækja og fyrirtækin sjálf. Starfsmenn fyrirtækja séu frjálssari en áður enda þurfi þeir ekki að hanga fyrir framan tölvur sínar. Í ofanálæg geta þeir ráðið því sjálfir hvernig tæki þeir nota til að kalla vinnuumhverfi sitt fram. Í þriðja lagi er öryggið meira en áður; vinnugögn eru vistuð á miðlægu neti og því glatast þau ekki týnist tölvun eða tækið sem unnið er á hverju sinni. Gögnin eru dulkóðuð og því getur þriðji aðili ekki komist í þau.

Hvað fyrirtækin varðar þá geta þau sparað sér háar fjárhæðir með miðlægrri vistun útstöðva og gagna og því komist hjá því að kaupa og reka hefðbundnar útstöðvar. Til þess er VMware-sýndarvæðing vel fallin en hún býður uppá að keyra mörg stýrikerfi samtímis á einum eða fleiri netþjónum. Þegar hefðbundnum útstöðvum er skipt út fyrir léttari tæki, spari fyrirtækið rafmagn. „Fyrirtækið geta sparað allt að ellefu þúsund krónur á ári fyrir hvern notanda í rafmagni“ segir Guðmundur.

Sýndarvæðing útstöðva – eins og þessi möguleiki er kallaður á fagmáli – er nú þegar í prófunum hjá nokkrum fyrirtækjum hér á landi. Guðmundur segir þetta risastórt skref, kannki eitt það stærsta sem stigið hafi verið frá því einmennings-tölvun kom á markað.



Betra eftirlit sparar raforku

Nýsköpunarfyrirtækið ReMake Electric hefur þróað nýstárlegt kerfi til að fylgjast með raforkunotkun.

Fyrirtækið ReMake Electric er eitt af fjölmörgum nýsköpunarfyrirtækjum hér á landi sem eru í örum vexti. Fyrirtækið sérhæfir sig í raforkunýtingarlausnum og var stofnað í júní 2009, en hafði þá verið í þróun í tæp tvö ár þar á undan.

ReMake hefur þróað nýstárlegan búnað sem auðveldar fyrirtækjum og heimilum að fylgjast með raforkunotkun, að sögn Hilmis Inga Jónssonar, framkvæmdastjóra ReMake.

„Þetta er rafskynjunarbúnaður sem er settur í rafmagnstöflur og þar mælum við eftir þörfum hvers viðskiptavinar allt rafmagn sem fer í gegnum skápinn þannig að viðkomandi fær nákvæma yfirsýn yfir það hvenær og hvar rafmagn er notað og hvert álagið er og hvað það kostar. Þetta er einfaldur búnaður í uppsetningu og rekstri og við hönnum kerfið þannig að það vinnur fyrir þig og er ekki að trufla þig meira en þú biður um.“

Með betri yfirsýn geti viðskiptavinir sparað raforkunotkun sína og aukið öryggi, segir Hilmir.

„Kerfið getur líka skipt sköpum í að fyrirbyggja eldhættu. Þannig er til dæmis hægt að stilla kerfið þannig að ekki eigi að vera kveikt

á helluborði á ákveðnum tíma sólarhrings og ef svo er, fær notandinn skilaboð í símann sem lætur vita af því.“

Hilmir segir mikinn áhuga á kerfinu, sérstaklega erlendis.

„Íslendingar eru ekki eins meðvitaðir. Við sjáum það að erlendis eru allir á kafi í þessu, en hér heima er enn lítið verið að spá í orkunotkun. Fólk kveikir bara og slekkur ljós án þess að velja því mikið fyrir sér hvað gerist í millitíðinni. Þetta er hins vegar ekki ósvipað því að keyra bíl. Ef þú ekur ekki skynsamlega þá eyðir þú meira bensíni.“

Hann bætir því við að meira eftirlit með eyðslu geti haft í för með sér mikinn sparnað fyrir heimili og fyrirtæki.

„Fyrirtækin geta líka sparað sér verulegar fjárhæðir í viðhaldi á tækjum með frekara eftirliti. Með skynjaramum er til dæmis hægt að sjá hvenær stór og dýr tæki eyða óvenju mikilli orku. Þá er hægt að bregðast strax við og koma í veg fyrir skemmdir eða bilanir sem gætu annars orðið mikið dýrari.“

Hilmir segir undirtektir hafa verið afar góðar. Arion banki hefur þegar tekið kerfið í notkun og mörg önnur stórfyrirtæki hafa sýnt áhuga.

- þj

Premium Icelandair American Express®

Það er frábært að geta byrjað ferðalagið í betri stofunni í Leifsstöð

Kynntu þér kostina á americanexpress.is

KREDITKORT er útgefandi American Express® á Íslandi



Kortið sem kemur þér út



SAMNINGUR ER UNDIRRITAÐUR Í BORGARTÚNI. 10:30 NÆSTA DAG ER HANN LENTUR Á WALL STREET.

.....

Sem Alþjóðasérfræðingar vinnum við stöðugt með tímaáætlanir. Málið snýst um þekkingu á hvernig spara má tíma, rétt eins þyrluþjónustan okkar í New York. Það þýðir að við getum ábyrgst afhendingu DHL hraðsendingar í fleiri löndum og landsvæðum en nokkur annar.

Þetta er gula leiftrið

www.dhl.is/express

BANKAHÓLFID



Meniga hlýtur alþjóðleg verðlaun

Íslenska hugbúnaðarfyrirtækið Meniga hlaut í síðustu viku verðlaunin Banking IT-Innovation fyrir bestu bankalausn ársins. Verðlaunin voru afhent í fyrsta skipti á Business Engineering Forum í Austurríki síðastliðinn fimmtudag.

Í tilkynningu frá Meniga segir að verðlaunin séu veitt fyrir þá tæknilausn sem þótti „skara fram úr og skila viðskiptavinum banka- og fjármálafyrirtækja mestum ávinningi“.

Meniga hlaut einnig verðlaun fyrir bestu tæknilausnina á hinni virtu Finovate ráðstefnu fyrr á árinu. - þj

Kátir Frónbúar

Þjartsýni Íslendinga á efnahags- og atvinnuhorfum tók stökk á milli mánaða í september ef marka má Væntingavísitölu Gallups sem fór úr 50,1 stigi í ágúst í 69,4 stig nú. Vísitalan hefur ekki verið hærrí síðan í ágúst í fyrra. Greining Íslandsbanka bendir á að þróunin hér sé öfug við íbúa flestra annarra iðnríkja um þessar mundir. Stökkið skýrist helst af mati landsmanna næsta halfa árið. Mat á núverandi ástandi er hins vegar fremur lágt, 23,7 stig og stendur í stað á milli mánaða.

Nauðsynlegt að skipta um mynt

Árni Oddur Þórðarson, forstjóri Eyris og stjórnarformaður Marels, sagði á fundi Samtaka atvinnulífsins og Samtaka iðnaðarins á dögunum að hann væri sannfærður um nauðsyn þess að Ísland verði hluti af stóru myntbandalagi. Þar sem 60 prósent af útflutningi Íslendinga fari til Evrópulanda væri þá ráðlegast að taka upp evru. Árni Oddur sagðist einnig þeirrar skoðunar að íslensk matvara væri að verða samkeppnishæf á alþjóðavísu. Því gætu falist tækifæri í því að ganga í ESB til að fá aðgang að þeim markaði.



140

ríki af 143 eru ofar en Ísland á lista yfir traust almennings á bankastofnunum.

309

milljóna króna tap varð á rekstri Húsasmiðjunnar á fyrstu sjö mánuðum ársins.

7.000

milljarðar, íslenskra króna, eða þar um bil, er verðmæti eigna Bill Gates, ríkasta manns Bandaríkjanna.



Málþing til heiðurs Brynjólfi Sigurðssyni

FÉLAGSVÍSINDASVIÐ

Viðskiptafræðideild býður til málþings til heiðurs Brynjólfi Sigurðssyni í Hátíðasal Háskóla Íslands 30. september kl. 14-18

- 14:00** Ávarp rektors Háskóla Íslands
- 14:10** Erik Kloppenborg Madsen, Associate Professor, School of Business and Social Sciences, Århus University – *The Copenhagen School: Marketing theory between rigor, realism and relevance*
- 14:50** Ágúst Einarsson, prófessor Háskólanum á Bifröst
Menning og markaður í kvikmyndum
- 15:20** Ásgeir Einarsson, aðstoðarforstjóri Samkeppniseftirlitsins og lektor við Lagadeild Háskóla Íslands – *Brynjólfur og ósýnilega höndin*
- 15:50** Ingjaldur Hannibalsson, deildarforseti Viðskiptafræðideildar
Byggingar og háskólastarf
- 16:05** Fyrrum nemendur Brynjólfs Sigurðssonar:
Margrét Guðmundsdóttir, Icepharma - *Hvernig nýtist hugmyndafræði markaðsfræðinnar almennt í rekstri fyrirtækja*
Hallur A. Baldursson, EnnEmm
Upplýstur efasemdarmaður?
- 16:35** Gylfi Magnússon, dósent Háskóla Íslands
Hinn eilífi hausverkur: Fjármál hins opinbera
- 16:50** Léttar veitingar

Allir velkomnir. Aðgangur ókeypis.

www.vidskipti.hi.is



HÁSKÓLI ÍSLANDS
VIÐSKIPTAFRÆÐIDEILD

AUGLÝSINGAR Í SÉRBLÖÐUM

Sérblöð Fréttablaðsins eru fjölbreytt og höfða til fólks á öllum aldri. Fjöldi mismunandi sérbláða kemur út í hverjum mánuði. Leitaðu ráða hjá ráðgjöfum okkar um hvar auglýsingin þín nær best til markhópsins.

AUGLÝSING Í SÉRBLÖÐUM SKILAR ÁRANGRI!

Benedikt Freyr Jónsson
S: 5125411, gsm 8235055
benediktj@365.is

Ívar Örn Hansen
S: 5125429, gsm 6154349
ivarorn@365.is

Sigríður Dagný
S: 5125462, gsm 8233344
sigrurdagny@365.is

*Samkvæmt prentmiðlakönnun Capacent Gallup apríl – júní 2011

